

835 Starfsábyrgðartrygging endurskoðenda

sbr. (samanber) 8. gr. (grein) laga nr. (númer) 94/2019 og reglugerð nr. 1010/2020

VÁTRYGGINGARSKILMÁLAR

1. Lög um vátryggingarsamninga.

- 1.1 Auk skilmála þessara, vátryggingarskírteinis og annarra gagna, sem vátryggingarsamningurinn byggir á, gilda um hann lög nr. 30/2004 um vátryggingarsamninga.

2. Gildissvið vátryggingarinnar.

- 2.1. Vátryggt er gegn bótaskyldu, er fellur á vátryggðan sem endurskoðanda þegar þriðji maður verður fyrir fjárhagstjóni, sem rakið verður til starfa vátryggðs eða starfsmanns hans, sbr. IV. kafla laga nr. 94/2019.
- 2.2 Vátryggður er sá endurskoðandi sem tilgreindur er á vátryggingarskírteini. Vátryggingartaki telst einnig vátryggður vegna þeirra endurskoðenda sem tilgreindir eru á vátryggingarskírteini.
- 2.3 Vátryggingin gildir hvar sem er innan Evrópska efnahagssvæðisins.

3. Undanskildar áhættur.

- 3.1 Vátryggingin tekur ekki til ábyrgðar, sem rakin verður til:
 - a. ásetnings vátryggðs eða starfsmanns hans,
 - b. ábyrgðar sem vátryggður tekur á sig og er víðtækari en almenn bótaskylda hans sem endurskoðanda,
 - c. sekta sem falla á vátryggðan eða þriðja mann,
 - d. slyss á manni, annars líkamstjóns eða skemmda á munum,
 - e. endurskoðunarstarfa vátryggðs utan Evrópska efnahagssvæðisins eða bótaábyrgðar, sem er ríkari en eftir þeim reglum, sem þar gilda um skaðabótgrundvöll eða ákvörðun bótafjárhæðar.

4. Vátryggingarfjárhæð.

- 4.1 Ábyrgð félagsins vegna hvers einstaks tjónsatviks takmarkast við þá vátryggingarfjárhæð sem tilgreind er í vátryggingarskírteini. Heildargreiðsla félagsins vegna allra tjónsatvika innan hvers tólf mánaða vátryggingartímabils getur þó ekki orðið hærrí en sem nemur þeirri fjárhæð sem fram kemur í vátryggingarskírteini. Fjárhæðir þessar breytast eftir vísitölu, sbr. 11. gr. vátryggingarskilmálanna.
- 4.2 Félagið greiðir kostnað, sem eðlilegt er að vátryggður stofni til vegna ákvörðunar um skaðabótaskyldu eða bótafjárhæð, enda þótt greiðsla félagsins fari af þeim sökum fram úr vátryggingarfjárhæðinni. Sama gildir um vexti, sem vátryggður er dæmdur til að greiða af skaðabótakröfu, sem vátryggingin tekur til.
- 4.3 Sé vátryggingarfjárhæðin lægri en dæmdar skaðabætur er félaginu þó aðeins skylt að greiða þann hluta vaxta og kostnaðar, er svarar til bótafjárhæðar þeirrar, sem því ber að greiða.

5. Eigin áhætta.

- 5.1 Af hverju tjóni ber vátryggingartaki eigin áhættu eins og getið er í vátryggingarskírteini eða endurnýjunarskírteini. Fjárhæð þessi breytist árlega eftir vísitölu, sbr. 11. gr. vátryggingarskilmálanna. Eigin áhætta vátryggingartaka hefur ekki áhrif á réttarstöðu þriðja manns.

6. Tímatakörk.

- 6.1 Vátryggingin tekur til skaðabótakröfu gegn vátryggðum er til stofnast á vátryggingartímanum.
- 6.2 Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum:
 - a. að þriðji maður gerir skriflega skaðabótakröfu á hendur vátryggðum
 - b. að vátryggðum verður fyrst kunnugt um að þriðji maður hefur orðið fyrir fjárhagstjóni, sem kann að verða rakið til gáleysis vátryggðs eða starfsmanns hans eða að bein hætta er á að slíkt tjón verði.
- 6.3 Vátryggingin tekur ekki til tjóns vegna skaðabótakröfu, sem stofnast hefur gegn vátryggðum á vátryggingartímanum, hafi krafan ekki verið tilkynnt félaginu í síðasta lagi þremur mánuðum eftir lok vátryggingarinnar. Þótt tjón teljist hafa orðið á vátryggingartímanum og það hafi verið tilkynnt félaginu innan þriggja mánaða eftir lok vátryggingarinnar, tekur vátryggingin ekki til slíks tjóns nema vátryggður hafi móttengið skriflega skaðabótakröfu samkvæmt a. lið 2. mgr. (málsgrein) og tilkynni það félaginu í síðasta lagi innan tveggja ára eftir lok vátryggingarinnar.
- 6.4 Skaðabótakröfu samkvæmt 2. mgr. sem rakin er til tjóns, er verður hvort heldur skyndilega eða smám saman, bætir félagið ekki hafi tjónið orðið að einhverju leyti eða öllu áður en vátryggingartíminn hófst.

835 Starfsábyrgðartrygging endurskoðenda

sbr. (samanber) 8. gr. (grein) laga nr. (númer) 94/2019 og reglugerð nr. 1010/2020

VÁTRYGGINGARSKILMÁLAR

7. Ráðstafanir vegna tjóns og greiðsla bóta.

- 7.1 Jafnskjótt og vátryggður fær vitneskju eða grun um að skaðabótakrafa verði gerð á hendur honum, ber honum að tilkynna félaginu það skriflega.
- 7.2 Félagið er ekki bundið af því ef vátryggður viðurkennir skaðabótakröfu, nema leitt sé í ljós að vátryggður gerði aðeins það sem honum var skylt að lögum, er hann viðurkenndi réttmæti kröfunnar.
- 7.3 Félagið skal greiða skaðabætur beint til þriðja manns (tjónþola), nema hann hafi þegar fengið tjón sitt bætt hjá vátryggðum.

8. Aukin áhætta.

- 8.1 Verði breytingar á atvikum eða upplýsingum, sem félaginu hefur verið skýrt frá í vátryggingarbeiðni eða á annan hátt, skal vátryggingartaki tilkynna félaginu um þær. Vanræki vátryggingartaki tilkynningarskyldu sína og verði tjón af völdum hinnar breyttu áhættu lækkar ábyrgð félagsins að tiltölu miðað við þá iðgjaldshækkun sem félagið hefði áskilið sér vegna áhættubreytingarinnar.

9. Greiðsla iðgjalds.

- 9.1 Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.
- 9.2 Sé iðgjald ekki greitt þegar greiðslufresti lýkur samkvæmt 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur vátryggingin niður sé iðgjaldið þá enn ógreitt, sbr. þó gr. 13.5.
- 9.3 Hafi vátryggingartaki ekki samið sérstaklega við félagið um greiðslu iðgjaldsins áður en frestur samkvæmt 2. mgr. rennur út telst það ógreitt, ef það er ekki að fullu greitt þegar fresturinn er úti.
- 9.4 Krafa um greiðslu iðgjalds er send á heimilisfang vátryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 9.5 Falli vátrygging niður samkvæmt 2. mgr. skal vátryggingartaki engu að síður greiða iðgjald fyrir það tímabil sem vátryggingin var í gildi og reiknast iðgjaldið þá hlutfallslega.
- 9.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

10. Endurkröfuréttur.

- 10.1 Bæti félagið tjón, sem þriðji maður ber ábyrgð á, öðlast það rétt vátryggðs gagnvart honum að því marki sem bótunum nemur.
- 10.2 Félagið á ætíð endurkröfurétt á hendur vátryggðum, hafi félagið greitt bætur eftir að vátrygging hefur fallið niður, sbr. gr. 13.5.

11. Vísitölubreytingar.

- 11.1 Vátryggingarfjárhæðir sem tilgreindar eru í vátryggingarskírteini, sbr. 4. gr. skulu breytast 1. janúar ár hvert í samræmi við breytingar á vísitölu neysluverðs. Eigin áhætta breytist á sama hátt.

12. Fyrning.

- 12.1 Kröfur sem falla undir vátryggingu þessa, sem og endurkröfur vátryggingafélags, fyrnast samkvæmt ákvæðum laga um vátryggingarsamninga og laga nr. 150/2007 um fyrningu kröfuréttinda.

13. Gildistaka og lok vátryggingar.

- 13.1 Vátryggingin tekur gildi, þegar félagið samþykkir vátryggingarbeiðni. Vátryggingin gildir fyrir það tímabil sem tilgreint er í vátryggingarskírteini eða iðgjaldskvittun. Þegar tímabilinu lýkur framlengist vátryggingin um eitt ár í senn nema vátryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils samkvæmt gr. 9.1. Ekki er þó skylt að tilkynna uppsögn fyrr en tvær vikur eru til loka tímabilsins. Sé vátryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal

835 Starfsábyrgðartrygging endurskoðenda

sbr. (samanber) 8. gr. (grein) laga nr. (númer) 94/2019 og reglugerð nr. 1010/2020

VÁTRYGGINGARSKILMÁLAR

uppsögnin ávallt hafa borist félaginu í síðasta lagi einum mánuði fyrir lok tímabilsins.

- 13.2 Þegar vátrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur vátryggingartaki ekki sagt vátryggingarsamningnum upp á vátryggingartímanum til að flytja vátrygginguna til annars félagsins.
- 13.3 Vátryggður nýtur ekki verndar vátryggingarinnar frá því tímamarki að réttindi hans til að gegna störfum sem endurskoðandi eru felld niður eða hann leggur inn réttindi sín.
- 13.4 Nú hefur vátryggingaratburður orðið, sem leitt hefur til alvarlegs trúnaðarbrests milli félagsins og vátryggðum eða áhættumat, sem er til grundvallar vátryggingunni og iðgjald miðast við, hefur gerbreyst, er félaginu þá heimilt að segja tryggingunni upp gagnvart honum með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja vátryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af vátryggingartímabilinu.
- 13.5 Enda þótt vátryggingin sé fallin úr gildi, ber félagið ábyrgð gagnvart tjónþola (þriðja manni) á hverju tjóni, sem rekja má til tjónsatvika, sem verða þar til átta vikur eru liðnar frá því að félagið tilkynnti vátryggingartaka og endurskoðendaráði að vátryggingin væri fallin úr gildi, nema önnur fullnægjandi vátrygging hafi verið tekin fyrir þennan frest.

14. Meðferð ágreiningsmála og varnarþing.

- 14.1 Verði ágreiningur um vátrygginguna, skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningum sem Ísland er bundið af.
- 14.2 Ágreiningi varðandi vátryggingarsamning og bótaskyldu félagsins að öðru leyti má skjóta til úrskurðarnefndar í vátryggingamálum. Upplýsingar um nefndina og starfshætti hennar má fá hjá félaginu.
- 14.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slíkt mál, svo og önnur mál sem rísa út af vátryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af vátryggingunni á heimilisvarnarþingi vátryggingartaka.
- 14.4 Heimili félagsins og varnarþing er í Reykjavík.

Skráning í tjónagrunn Creditinfo Lánstrausts hf.

Tjón sem tilkynnt eru til vátryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónþola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 18. nóvember 2021.